

ները աշխատում են բոլորովին հարժ հաւասար սեղանների վերայ, երկուս
և եռալոյս լապտերներով. բարձր դասատներում մէկ եռալոյս լապտերը գա-
լիս է մօտաւորապէս 18 աշակերտի վերայ. իսկ ստորին դասատներում մէկ
երկուս լապտերը—14 աշակերտի վերայ. Ինքն ըստ ինքեան հասկանալի է,
որ այս լուսաւորութիւնը բաւական չէ. Դ. գիմնադիպում կերօսինով են
աշխատում. Ա. Բ. և Դ. դասատներում մէկ լապտերը գալիս է մօտաւո-
րապէս 10 աշակերտի վերայ. Դ. և Ե - ում՝ 8 աշակերտի վերայ և Զ.
դասատան մէջ՝ — 3 ի վերայ. Ստորին դասատներում պէտքէ լուսաւորու-
թիւնը երկպատկել այնպէս, որ 4—5 աշակերտի վերայ մէկ լապտեր գար.
Է. գիմնադիպում գիշերօթիկները աշխատում են սագի ճրագուով. Լուսա-
ւորութիւնը սակաւ է լապտերի սակաւութեան պատճառաւ. այնպէս որ
ստորին դասատանց մէջ մէկ լապտերը գալիս է 7 աշակերտի վերայ, իսկ
վերջիններում—6 աշակերտի վերայ. Ապացուցելով, որ լուսաւորութեան
այժմեան միջոցներով և դրութեամբ վնասվում են աշակերտների աչքերը
և ի նկատի ունելով այն հանգամանքը, որ լուսաւորութեան լաւացնելը մե-
ծամեծ ծախսեր չի պահանջիլ, մենք իրաւունք ունինք սպասել և պահան-
ջել այդ դպրոցից ։

(ԿԸՆԴՆՈՒՄ)

(Թարգմ.) Մ. Տ. Սարգսեանց.

ԲԱՐՈՅԱԿԱՆ

ՀԱԶԱՐ ՈՍԿԻ.

(ՌԻՄԵԴԻԿ) .

Մի հարուստ մարդ մտածեց հազար ոսկի բաժանել աղքատներին, բայց
չէր իմանում թէ որպիսի աղքատների տայ այս դրամները. նա քահանայի
մօտ եկաւ, և ասումէ. « Տէր Հայր, ես կամենում եմ աղքատներին հազար
ոսկի բաժանել, և չըզիտեմ որպիսի աղքատների, որ արդարեւ օգնութեան
կարօտ լինին. Առէք դրամները և բաժանեցէք ում կամիք ։ »

Քահանան ասաց. « փողերը շատ են. ես ևս չըզիտեմ ում և որքան
տամ, կարող է լինել, որ ես մէկին շատ կըտամ, իսկ միւսին սակաւ. Ասա-
ցէք, որպիսի աղքատների և իւրաքանչիւրին ինչքան պէտքէ տալ ձեր փո-
ղերից ։ » Հարուստն ասաց. « Եթէ դուք չըզիտէք ում պէտք է տալ փո-
ղերը, Աստուած գիտէ, առաջին անգամ որ աղքատը կըգայ ձեզ մօտ, բո-
լոր դրամները նորան տուէք ։ »

Ծուխերի մէջ կար մի աղքատ մարդ. նա շատ զաւակներ ունէր, իսկ
ինքն հիւանդ էր և չէր կարողանում աշխատել. Աղքատը միանգամ կար-
գումէր Սաղմոսը, և նորան հանգիպեց հետեւեալ խօսքը. « Մանուկ էի և ծե-

բացայ, և ոչ տեսի զարդարն արհամարհեալ և ոչ զզաւակ նորա թէ մուրա-
նայ հաց :

Աղքատը մտածեց, ահա ես արհամարհուած եմ Աստուծոյ առաջ, բայց
ոչինչ չար գործ չեմ բռնել, Գնամ քահանայի մօտ, հարցնեմ նորանից թէ
ինչպէս է որ այս անձիշտ է գրուած Սուրբ Գրքում :

Գնաց քահանայի մօտ :

Քահանան տեսնելով նորան, մտածեց. « առաջին անգամ այս աղքատը
եկաւ ինձ մօտ », և տուց նորան բոլոր հազար ոսկին՝ որ յանձնել էր իրան
հարուստը :

ԱՍՈՒՄԵՆ ՄԻԱՅՆ.

Ո՞ր ուսումնական բանիբուն մարդը,
Վամ ուսումնաւարտ երիտասարդը
Չէ ասել խօսքով և չի էլ ասում,
Կրթութիւն է պէտք տգէտ գիւղացուն :

Ա---Քն Քն, բայց գեղջուկ տղան
Դարձեալ է միշտ նոյն թշուառ դրութեան.
Դպրոց չէ գնում, ուսում չէ առնում,
Եւ այդպէս էլ նա անկիրթ է մնում :

Ո՞ր մի ընչաւէտ վաճառականը
Առանց բանալու քսակի բերանը՝
Չէ պնդում տանը, հրապարակում,
Թէ պէտք է օգնել աղքատ գիւղացուն :

Ա---Քն Քն, բայց խեղճ գիւղացուն
Երբոր խանութի միջին են գտնում,
Խօսքը՝ խօսք է միշտ և խօսք է մնում,
Վաճառականը շահն է մտածում :

Ո՞ր արհեստաւոր մեր քաղաքացին
Տեսնելով խեղճուկ գիւղացիներին,
Ամենքի մօտ էլ չէ պնդում, ասում,
Թէ արհեստ է պէտք գիւղացու որդուն :

Ա---Քն Քն, բայց երբ գիւղացին
Առաջարկում է հենց նոյն վարպետին